山庫全幸

史部

钦定四車全書 -言也然君子事上動為匡拂之言小人在朝每託將順 自古願治之君莫不願得君子而任之任之伊何聽其 題為辨小人斥讒說以全大禮以保治道事臣等聞氣 化有陰陽人生有邪正正為君子邪為小人時之方泰 欽定四庫全書 君子道長小人道消否則反是君子與小人不兩立也 何文簡疏議卷十 辨斥忠邪疏 何文簡疏議 明 何孟春 撰

書曰有言逆于汝心必求諸道有言遜于汝志必求 震驚朕師曰何畏乎巧言令色孔壬堯舜其既知之矣 非道古之人欲其君之求知君子小人者其道如此陛 邪之别君子小人之辨其果難乎書曰朕聖讒說殄行 少也願治之君不能知其臣之孰為正為邪孰為君子 避小人矣自古所以治日少而亂日多者非願治之君 說將順之說行則邪干正矣匡拂之言弗入則君子 小人也自古帝王莫聖於堯舜而書曰惟帝其難正

· 安定四軍全書---耻之徒相與依附設鉤距以導諛聖意所謂遜于志之 千萬矣所謂逆于心之言者陛下亦當求諸道與否乎 其言之聽而察之逆于心而道馬必正也必君子也遜 而二三小人敢為將順之說且類招罷閒在下不學無 于志而非道馬必邪也必小人也邇者大禮之議邪正 不同陛下聽言而求諸道與非道莫要於此今大禮則 既成矣禮官與執政若九卿中及諸臺諫匡拂之言累 下與維新之治丁方泰之時寤寐唐虞登庸賢俊盍亦 何文簡疏議

臣等有死不敢聽聞者也而第十三條又有今日議禮 重改何其不顧綱常說之容易跡其大逆罪不容誅此 母慈壽皇太后得禮之當第十二條言新頒詔令决宜 聖皇太后亟去本生二字改稱皇伯考孝宗皇帝皇伯 足而第六條言陛下只當稱皇考恭穆獻皇帝聖母章 至第十二條所以托諸將順而惑誤我皇上者不一

等會議之言之弗入也臣等惟彼近日所陳自第一

言者陛下亦嘗求諸非道與否乎何彼説之易行而臣

ここりもとう 廣害良善則不過指為朋黨級動搖大臣則必 言馬而必每條為之辯者誠望聖明察之而知彼所 方 專權去一善人而衆善人尚在則未為小人之利惟有 不為忠言不逆耳不為諫小人之讒忠良其說不遠欲 朋黨之故之說臣等實竊懼馬宋歐陽脩曰士不忘身 以為黨則可一時盡逐至於大臣已被知遇而蒙信 可領之臣等用是於大禮既成之後不得已而復有 難以他事動搖則惟有專權是上之所惡故須 何之简 孤孤 湏 証以 此説

此 勝負生則攻奪作攻奪作則敗亂之所以起臣等於此 立彼此之論而已彼此立則朋黨分朋黨分則勝負生 竊懼馬惟聖明察之早賜辨斥宗社幸甚天下幸甚為 計 說之欺妄也宋張方平言歷代敗亂之兆皆由朝廷 合辭連名具本開坐謹題請肯 ビート 開 其言古者天子無為人後之禮云三代以前天 無嗣者皆兄於弟及無立後之禮防姦臣利

C. .) 得古人意思觀此知古者天子無為人後之 不獲當時濮廟之爭都是不曾好好讀古禮見 陶王益子行也孔光以尚書盤庚之及王争之 立弟中山王以為禮兄弟不得相入廟乃立定 有曰古禮之壞自定陶王時已壞了益成帝 為嗣宋仁宗又立濮安懿王子為嗣大儒朱熹 不稱嗣子而稱及王至漢成帝立定陶共王子 於立幼非社稷之福故商尚書凡兄弟相及者

前件臣等惟三代家天下以來父死子繼兄終弟 商 か 後 及 證 穆之異同爾漢孔光所謂及王本殷王傳位名 **个議禮之臣畔古禮書强執陛下為孝宗皇帝** 何 曰繼曰及父子兄弟傳位之名以别世昭世 領曰嗟嗟烈祖有扶斯祜申錫無疆及爾斯 此欺妄一也以 知殷法兄弟相及者不稱嗣於其先君平 上通鑑前編并朱熹語錄存

一金片

匹库全書

宗而下非所足論然則前代兄弟相及情支俱 立不以正宋太祖之於太宗初擬傳弟及子哲 授我皇上者也夏有天下傳十五世凡一十七 備木有岩我武宗皇帝遵奉祖訓親挈神器以 唐之敬文武三宗雖相繼而及然皆乘時構禍 中山而立定陶於是兄終弟及之典少見於世 大宗之一 所又曰顧予然當湯孫之將此商之及王承嗣 證也漢成帝以兄弟不得相入廟舍 可一張人

金足巴丹全,日 嘗不稱嗣未當不以臣道自處弟之於兄亦何 **典子之於父春秋書公孫嬰齊而曰仲嬰齊以** 代宗祀之文令雖不可考見而凡嗣先君者未 謂及王是也周有天下傳三十二世凡三十七 凡三十君而以弟繼兄者多至十三人孔光所 君而以弟繼兄者猶五人馬前此議禮者謂言 不降則兄終弟及之始也商有天下傳十七世 君而以弟繼兄者二人仲康之於太康扁之於

• 帝在後於親為子是亦以君臣例之有得於春 序固春秋之所予也漢周舉引関僖二公事斷 弟不可以後兄不有春秋大事於太廟还祀之 者胡氏傳以兄不可以子其弟以亂昭穆而謂 殤順二帝昭穆之序謂殤帝在先於秩為父順 君臣之道而仍不廢其兄弟之名以亂昭穆之 說從祀先公復正之說臣子 弟而後兄也列國陪臣尚明此義况於有天下 可しうれん 例之說乎例以

金定四牌全市 皆憲宗子敬文武宗皆憲宗孫而宣宗以弟於 子矣况弟為兄後者乎唐宣稀祭祀文於穆宗 子関為文而兄為弟後者亦以居臣例之於父 兄叔父於猶子前一皆稱嗣稱臣益當時與其 及敬文武宗皆稱嗣皇帝臣某昭告穆宗宣宗 其意益本于雖齊聖不先父食之說直稱僖為 氏臣陵君猶僖公子先父故先正逆祀以微喻 秋之義矣宋劉原父釋從祀先公云陽虎惡季

成帝也孔光不獲行其言而定陶立乃聽董宏 廟之爭都是不曾好好讀古禮見得古人意思 **弟者乎大儒朱熹謂古禮之壞自定陶不可嗣** 重兄弟叔好之分輕也况兄有君道馬以命其 于以君臣例之與父子無弗同馬者君臣之分 犀臣講明為人後之義弟之於兄叔父之於猶 冷褒段猶之言而壞古禮也故即接云當時濮 人後為之子其義甚詳熹謂為人後為之子 -

一金定四库全書 早統下此可見古天子為後於大宗者重其統 者孰後後大宗也大宗者尊之統也諸侯及其 去朱子為人後為之子其義甚詳之語又去周 也又何知古者天子無為人後之禮子而彼乃 太祖天子及其祖之所自出尊者尊統上早者 存證如此所謂古禮者莫大於儀禮曰為人後 其義甚詳者語其門人問古禮之本古也語錄 公儀禮天子後大宗之文以欺陛下而謂今議

其言祖訓天子無為人後者云祖訓凡朝廷無 執其所具餘條妄注某書存證大抵類此皆是 借證刑截文飾其自欺妄之詞爾此其人之欺 後為欺妄臣等不知其所謂畔古禮書者畔何 皇子必兄終弟及須立嫡母所生者曰必兄終 妄一也 古禮所謂强執陛下為孝宗後者何處見得强 禮之臣為畔古禮書為强執陛下為孝宗皇帝 可以前而是

| 郵定匹庫全書 前件臣等伏惟我皇明祖訓之意朝廷既無皇子 者此太祖髙皇帝真稽古三代之禮以垂萬世 母所生嫡長無嗣則立次嫡弟之嫡長不可奪 序可知益兄終弟及國有長君社稷之福立嫡 弟及則不立後可知曰須立嫡母所生者則倫 不惟畔古禮書雖萬皇帝訓亦不之遵此欺妄 也以上祖訓存證 法者也今禮官所强執陛下為孝宗皇帝後

武宗遗詔實載此言何由彼又於此曰倫序 帝本統不移旁支安用立後改其私親之禮陛 庶不得以干嫡嚴定分以過亂源也而彼乃言 而兄弟間有嫡有庶故又須立嫡母所生者使 則親莫親於同産兄弟故必用殷法兄終弟及 皇帝無皇子無親弟而倫序之當立屬在陛 不立後可知何所蒙也朝廷親弟先帝次子 '繼大統乃孝宗皇帝親弟所生之嫡武宗 可しうなべ

一金定匹库全書 訓兄終弟及明云朝廷無皇子如前日武宗之 乎國有長君社稷之福是宋杜太后臨終命 知也彼言嫡長無嗣則立次嫡弟之嫡子不 於其臣趙普普曰太祖已誤彼引之欲何如祖 子太祖之語太祖舍子傳弟及後太宗問所立 奪者就孝宗視陛下也豈非所當後於朝廷者 不幸是也者有皇子子自當繼祖訓豈欲聖子 孫蹈宋之誤而彼乃敢厚誣制書輛犯朝廷

富貴之計益見其肺肝矣彼意在此而不覺具 言之隱切至此極也或曰彼嘗上言堯舜傳 他有所附會前此臺諫劾其所奏主閣弱而臣 禮防奸臣利於立幼非社稷之福也此又引杜 所宜深思諱者以欺陛下亦何思也臣等切詳 强之說不過欲離間陛下君臣之情自為希圖 彼前一條首云三代以前兄終弟及無立後之 后語云國有長君社稷之福其意不在議禮必 可しり元人

多定四庫全書 屬也堯舜何當曰吾之嗣不必繼而天子之祀 絕堯又有丹朱為子延及漢高尚曰堯之苗裔 憂舜以不得禹為憂而不憂失天子之祀矣臣 不絕舜又有商均為之子延及虞思陳胡公之 惟舜之嗣位格于文祖是堯之廟天子之祀不 可輕子竟舜禹異姓而禪受者也舜格于堯曰 也禹之嗣位受命於神宗是舜之廟天子之祀 及三代傳弟而多與矣彼嘗曰克以不得舜為 老十

次定四三人子了! 萬獨不可舉以為言乎據其所言祖訓兄終弟 而伯縣之名猶夫故也何當推尊若今日之盛 乎彼之歷指傳弟而與者太戊盤庚二君外率 具諸樊係祭夷昧兄弟次傳以故僚光篡弑之 亂諸侯莫朝宋宣傳弟而穆公逐子殤公般身 是牽合儒先嘗謂仲丁以來更立諸弟比九世 藝祖而瞽瞍之名猶夫故也禹受于舜曰神宗 禍亦可以言與乎自禹至今傳子與者何止千 何文簡疏訴 <u>±</u>

事而彼每舉為皇上告意欲何如魯莊公將死 知之矣慶父也存季子曰是將為亂夫何敢於 召季子授以國政日吾將馬致乎魯國李子日 般也存何憂公曰牙謂我曰魯一生一及君已 日之事武宗之幸乎亦大不幸乎此不得已之 統將欲以傳予為法乎將以傳弟為法乎如前 矣大位當以傳弟為是皇上聖子神孫萬世承 及題為取法帝王則以父子相繼為非可法者 ここ フェーニニー 者為所後父母謂之正服為其本生父母謂之 君牽制文義優游不斷於是制為五服為人後 若為人後禮高皇帝已定于孝慈録孝慈録序 之法陛下之所深鑒有在凡我臣子莫敢不服 死有餘戮矣高皇帝稽古三代之禮以垂萬世 而不自知陛下誠一思及而問彼不道之罪萬 是季子召叔牙酰而殺之彼輩自犯滔天之 曰朕觀前代之君 好内山林之士暴貴其身致 可こうに、其

其言與為人後者孔門所鄙云天子諸侯自古 皆無為人後禮末世諸侯之大夫以下始有與 而况於他書有何書是其證據此其人之欺妄 遵不知其誰畔誰不遵乎彼於祖訓且加厚誣 宗皇帝後為畔古禮書為雖高皇帝訓亦不之 二也 在也而盡背之而謂今禮官必强執陛下為孝 降服為其兄弟及姑姊妹謂之義服此明訓具

金好四库全書

敢執天子為人後者此天地之變古今之異事 日債軍之将亡國之大夫與為人後者不入此 此欺妄三也以上儀禮禮記射義存證 為人後者昔孔子射於矍相之圖使子路延射 例如問閻中气養過房子一 以陛下為入繼大統之君而怨比與為人後之 可見為人後者孔門之徒所深鄙今議禮者不 人以支子後大宗實大夫士之禮未聞以臣下 **可比的** 1 般何哉况古禮族

金定四庫全書 前件臣等惟為人後者之說見儀禮喪服篇為 弟高此言與禮經合其傳授有自而矍相圃之 所制禮也公羊高實子夏弟子子夏實聖門高 後者為之子之說見春秋公羊高傳儀禮周公 射擯與為人後者儒先訓與為人後者宗子死 後者也使無為人後之禮則家語亦在所不載 利復求為之忘親之人故可擯孔于非擯為人 無子族人以支手為後矣此非 其近屬因有所

無綱常大矣孔子夢周公且從時制者儒先 有父而無其祖也不知尊祖則不知嚴父其 矣為人後者若擯於孔子是人不可為人後 支子在也漢戴聖曰大宗不可絕言適子不為 故謂孔子非嬪為人後者也儀禮傳為人後 也大宗或絕人不得後大宗也不後大宗是 支子後大宗也然則適子不得後大宗其有 者也孰後後大宗也大宗不可以絕族人以 **5) 前 , 1**

一金女匹虎全意 然後得有其國為後於卿大夫士者然後得 重大宗死服祭葵生事者稱謂四年于兹矣為 統之事也為人後者為之子陛下繼體先帝持 起以此見大宗不可絕也此前日陛下入繼 後於天子者然後得有其天下為後於諸侯者 兄弟而繼統之宗絕亦當繼禮雖無文可以義 魏田瓊晉范汪並同此議而大儒程頤亦曰 後者不得先庶耳族無庶則當絶父以後大宗 無

災定四事人子 一 宣帝議曰禮大宗無嗣擇支子孫賢者為嗣孝 武皇帝曾孫病已可以嗣孝昭皇帝後魏明帝 統系者承其宗祀此為人後之義也霍光迎立 于者父天母地之宗子也自古帝王無嗣諸侯 議豈復顧私親哉又曰後嗣萬一有由諸候 部日擇建諸侯以繼大宗則當纂王統而奉公 其家何也後大宗也陛下為後於天子者也天 繼大統未有不明為人後之義者也繼其大 何文簡疏減 五

治通鑑前代詔書惟此特錄全文以章示萬世 奉大統者則當明為人後之義宋司馬光修資 記遵祖訓為入繼大統之君于今四年凡有血 項歲禮官已當隨奏呈御覽矣陛下奉武宗遺 氣莫不尊親而况議禮者在廷之臣也而彼乃 有不以為入繼大統之君而恐比與為人後之 例之說無乃故為是躗也乎禮族人以支子後 大宗指大夫而下彼謂後大宗大夫士之禮也

ニ・ノミンタラ ふらう 而大宗之統即宗法也禮無生而貴者雖天子 此儀禮之所具載以為天子及其祖之所自出 者乎旁支固未有不後於天子而有天下者也 天下之宗子無嗣無同産弟而可無為天子後 後而以小宗為後者然而有不得其常者繼有 諸侯一娶九女所以廣繼嗣若道其常豈有無 遂謂諸侯天子無宗法天子諸侯無為人後之 禮殊不知禮者道其常而已天子一娶十二女 可文簡頭議 ナ

子不得為人後而不知宗子不可以無後此程 立後在天子所不必言矣且大夫宗子收族者 頤所以有義起之說也詩曰宗子維城天子之 而後立故曰未有諸侯而不之王諸侯無子其 受何以成其尊也諸侯雖有世子必請命天子 諸侯之子尚不命於君父則上無所承下無所 之宗而可以云無為後之禮乎彼只有見於適 也尚必以支子後之諸侯一國之宗天子天下 冬十

ノニヘレノノーモ

致定四車全書- 一一何文前成就 母 宗也春秋傅日郎取莒公子為後諸侯為後之 宗同姓而非異姓同宗而非異宗也孝宗有陛 宗之子也故曰禽獸知母而不知父野人曰父 則知尊其太祖及祖之所自出也陛下之于孝 姓之子也而卿大夫以上明於宗法則同姓同 問過房乞養一般夫問間小人之所為本立具 證也但其立異姓為可罪耳彼謂為人後與問 何算馬大夫及學士則知尊祖矣諸侯天子 12

帝議宜為後者翟方進等皆以為禮曰昆弟之 謂也而彼乃指斥乘興比之為乞養之子以激 皇立廟京師師丹曰為人後者為之子光武時 子猶子也為其後者為之子哀帝欲為定陶共 議故太子諡有司奏曰禮為人後者為之子成 陛下之怒是可忍也孰不可忍也漢宣帝嘗部 之弟則大君之統不絕也詩曰君之宗之此之 下為之子則大宗之統不絕也武宗有陛下為 一致定四庫全書 其言陛下實入繼大統之君云武宗皇帝遗 齊賢告真宗司馬光范鎮日海等告其宗皆引 宗廟未定張純朱浮奏禮為人後者則為之子 妄三也 大變古今之異事無乃其自謂乎此其人之欺 敢執天子為人後者而謂今議禮者為天地之 既事大宗則降其私親唐陳貞節告玄宗宋張 為人後者為之子之説而彼乃言未聞以臣下 . | 大八

前件臣等仰惟陛下實入繼大統之君已具陳於 宗皇帝之統初無為孝宗皇帝之子之說至陛 立之詔書存證 遂至父子君臣皆失其道此欺妄四也以上迎 下登極始變其說以陛下為孝宗之子繼孝宗 立迎 取來京嗣皇帝位謂之嗣皇帝位是繼武 之統使陛下達武宗皇帝之部背獻皇帝之思 云朕皇考親弟興獻王長子賢明仁孝倫序當

賢陛下也以親以長以賢皆在陛下而皇祖有 獻皇帝而武宗皇帝莫親於陛下也詔内親之 非有二也武宗遗詔迎取陛下來京嗣皇帝位 長子賢明仁孝倫序當立者孝宗皇帝莫親於 不但曰倫序當立而必曰朕皇考親弟與獻王 前議禮者三四年間言之已詳統與嗣之為繼 字親陛下也長之一字長陛下也賢之一字 兄終弟及則陛下倫序當立以後大宗繼 ず」となりに

一多定四庫全書 矣乃今欲抵其隙而背之邪為此答者益為邪 且持重於三年死服祭葵生事者稱謂於三年 何也近有為大禮設問者曰遺詔無為後為子 皇帝位為陛下繼武宗統無為孝宗之子之説 統天與而人歸矣彼乃稱引遺詔倫序當立嗣 之文今可强為後乎遗詔固嘗曰倫序當立也 也嗣也者為人後也其嗣一也何以謂之無す 日嗣皇帝位也曰立曰嗣也何也立也者立後

變於武宗之遺詔者乎或曰彼當有繼統不必 長之賢之以繼先命以奉大統者陛下當天與人 陛下被命迎取時天下臣子其誰弗慶之親之 有異孝宗之統乎武宗遗詔視陛下為同産弟 說而發者彼謂陛下登極之日始變其說以陛 歸之期其自知而信矣在廷之臣與勸進者有 之統也大宗之統也而傳於武宗武宗之統豈 下為孝宗之子繼孝宗之統乃我太祖髙皇帝 丁・・ 頭議

金定四庫全書 謂之不必繼嗣只是繼統彼欲皇上比於湯武 謂之繼統可也皇上奉先帝遺詔入繼大統而 祖於周元世祖於宋我太祖萬皇帝於順帝 之統不絶則如湯之于桀夏之統不絕武王干 不以為非安得謂嗣不足重也若云只要帝 紂殷之統不絕漢高祖於秦唐高祖于隋宋越 正統也然自家天下以來禹湯文武皆傳之子 繼嗣之説矣夫天子以天下萬世為心固重於

其言禮官以陛下稱孝宗皇帝為皇考慈壽皇 欺妄四也 皆失其道何其心之倒而言之悖也此其人之 太后為聖母恭穆獻皇帝章聖皇太后為本生 下違武宗之詔背厭皇帝之恩遂至父子君臣 行於初政者仁之至義之盡矣而彼乃謂使陛 可也將置先帝於何地也禮官與進言之臣望 父母者非禮云儀禮喪禮為云為人後者傳曰

欠近日巨 二

何支簡疏議

Ĭ

后本陛下之母反稱之曰本生皇考本生母而 聖母而為重馬獻皇帝本陛下之父章聖皇太 慈壽皇太后本陛下之伯 母反稱之曰皇考 曰 後父母服三年名曰重於本生父母服期年 後者為其父母報傳曰何也不貳斬也夫於所 於伯叔父母名曰輕今孝宗皇帝本陛下之伯 何以三年也受重者必以尊服服之又曰為 人・一下 輕馬輕者反重重者反輕議禮之臣亦各有 本十 同

前件臣等謹按儀禮喪服為人後者傳曰何以三 者以言乎如真子也若非真子何服斬之有又 之子若子深為所後者之兄弟之子若子若子 也為所後者之祖父母妻妻之父母昆弟昆弟 同宗則可為之後何如而可以為人後支于可 年也受重者必以尊服服之何如而可謂之後 父母者武以其身處之於心安乎此欺妄五也 以上儀禮存證 1.1. げた前 五美

金ケロアノー 執 父母者此則所後所生之别百王之所同古今 不足以當之至於期而謂之曰報則有所問矣 稱情而立文也故曰三年者至痛極也非父母 夫治親疎貴贱之節惟喪服足以盡其詳何 也何以不貳斬也特重於大宗者降其小宗也 為人後者為其父母報傳曰何以期也不貳斬 父母之喪則父母之未有執期之喪而猶 一不可易也然儀禮於本生有父母之云

文定四華人です 一 者為之子非聖人之言禮喪服記為人後者 **今乃為此言既言稱所後為父母者為非又言** 其父母報是所後稱父母無改稱伯叔之丈而 經之古邪彼當蹈襲宋歐陽修濮議謂為人後 此也而曰於所後父母服三年名曰重於本生 司馬光則以為立文宜爾胡寅則以為假口久 父母服养年同於伯叔父母名曰輕豈非彼釋 母以明當降降則不可名父母矣彼之所引者 何文簡疏議

Ī

乎此而為之言者也彼前謂所後為父母本生 誠宜率祖之秋也彼前之名日輕日重者養獨 稱名曰重固有宜不宜也夫絜重揆禮在陛下 上之至於祖名曰輕自義率祖順而下之至於 天奪之魄而使之然乎禮記曰自仁率親等而 天奪之魄者也從前言之則曰天子無為人後 稱所後為父母者為是此近獻議者所以謂 禮此又引所後之文何其自相乖僻如此非 *

若此輕者反重重者反輕其於前言不侔甚矣 稱之曰本生皇考本生母而輕馬彼之云重馬 議之臣所執之正義也而彼又謂今孝宗本陛 輕馬者承其名日重名日輕而言也而其言又 而為重馬獻皇帝本陛下父章聖本陛下母反 大儒程順司馬光等曾言之則今日禮官與建 下伯慈壽本陛下伯母反稱之曰皇考曰聖母 母為伯叔父母於儀禮雖未有明丈而有宋 うしうえ

宝定匹库全書-宗為皇伯考宋真宗稱太祖室曰皇伯考妣及 皇伯母慈壽皇太后得禮之當云唐玄宗稱中 皇太后虽去本生二字改稱皇伯考孝宗皇帝 其言陛下只當稱皇考恭穆獻皇帝聖母章聖 不可稱伯考乎今陛下本以倫序入繼大統於 父皇帝陛下叔父皇帝陛下生可稱伯父死獨 伏讀祖訓凡親王若天子之姪則稱天子曰伯 此其人之欺妄五也

前件臣等惟本生二字誠古禮書所無者獻皇帝 皇考尊親章聖皇太后曰皇母而重違在廷之 陛下恭愛之心無有窮己必欲尊稱獻皇帝 章聖皇太后胡為乎有本生之稱稱本生者蓋 議而加本生字以别于入繼之大宗此實禮之 廟中無伯考之稱棄禮書背祖訓此與安六也 孝宗皇帝宜生稱伯父死稱伯考令禮官以為 以上祖訓并文獻通考存證 河史旬流議 Ĭ

皇桓帝尊蠡吾侯曰孝崇皇靈帝尊父曰孝仁 皇太后始尊曰興國太后繼日本生聖母章聖 皇皆不曰帝禮官與執政以陛下孝情所迫而 哀帝尊定陶王曰共皇安帝尊清河王曰孝德 皇太后其為崇隆自古之所無也漢髙祖尊太 尊曰與獻帝繼曰本生皇考恭穆獻皇帝章聖 公漢宣帝尊悼考光武尊南頓君皆不曰皇帝 以義起者也非禮官之所敢擬者也獻皇帝始

金人四月年中

後者禮官與執政於此甚非得已者也皇上愛 所別禮無二考之義宋王曾所謂稱權猶足示 别尊無二上之義今於皇考上加本生字欲有 皇字不足以易一考字而陛下遂深信之以至 親雖有無窮之情亦有不得自盡之情人臣事 此也獻皇帝嘗為武宗之臣初省一字欲有所 愜之時彼因追謂執政留一皇字以待而謂百 順以至此極也其亦可以極矣陛下始當未 可して、大大

考伯母義豈安乎近有為大禮問者曰夫義惟 皇考於祀文於慈壽皇太后稱聖母增機號於 恩且已受詔於武宗曰君已受迎立於昭聖曰 册寶而詔示天下者四年於兹令欲改稱皇伯 母已後於孝宗曰考綱常在此而不在彼也而 進危言以激聖怒何怨乎陛下於孝宗皇帝稱 之從故禮門內之制恩掩義門外之論義斷

高好 也其全書

卷十二

君雖有必從之義亦有不容曲從之義而彼每

彼必曰是則好仍其舊古今天下豈有母后在 表章俱應停草皇上可以安予章聖可以安予 章聖當母儀天下而昭聖凡百理當回避天下 言矣彼固知前言之可啖也昭聖既改為伯母 上彼前此累疏尚未誦言改為伯母而今得並 而彼恐為是言乃累疏而求必遂也昭聖后在 二十年稱之為考不知已改之為伯考不知已 又欲改於四年之後乎嗚呼孝宗上賓于天已 1.1 可文簡欲議

金好四牌全書 前尊上禮節之行先昭聖而次章聖亦有所弗 也不得為母故也其名實已異也陛下雖欲如 母道馬臣恐昭聖之不能以祖母而自處也何 既至子為天子不可以臣妾之禮事人獨不 上之母又四年可從降禮以事人乎彼於此必 昭聖夫為天子十八年子為天子十六年為皇 上而又使伯母母儀之理乎彼嘗謂奉迎章聖 又變其說曰孝宗雖伯有祖道馬則昭聖有祖 念

義臣子一 宗真宗之稱於中宗太祖者果可法與春秋之 中宗為皇伯考宋真宗稱太祖室為皇伯考此 帝至此欲望其忠于陛下得乎彼謂唐玄宗稱 於太廟鍾雅奏景皇帝不以伯祖而登廟稱伯 而謂陛下當稱孝宗為皇伯考也事果類數玄 祖不安部從之玄宗時太廟壞孫平子上言臣 可也彼為是言者非先帝之臣子乎而忍負先 一例不以親親害尊事也晉元帝有事

多定匹庫全書 分 有事太廟有太祖室宜稱孝孫太宗室宜稱孝 有伯氏稱唐朝五代有稱者禮官之失請自今 張齊賢等定廟祀言天子絕期喪宗廟中安得 魯晉陳貞節蘇蘇等不以為然平子提經辯數 子而其說不行真宗既伯太祖則宜自稱姪而 繼君猶子繼父孝和宜遷還廟何必為禮下同 挺見近於禮官不平其公議者在也真宗時 明獻等不能屈而蘇題右博士諸儒以平子

宗有太宗為之考。唇宗太宗當為天子矣太廟 陛下特起嗣武宗位為是武宗後不假言者弟 宗嗣中宗玄宗有睿宗為之考太宗嗣太祖真 有考能承大宗統矣獻皇帝未嘗纘承正統而 終其世猶稱孝子是其當時不能自安之情亦 之稱馬可乎而可使太廟無考廟乎禮記祭法 於武宗則子於孝宗不假言者子於孝宗而伯 可見矣且夫玄宗真宗所以伯中宗太祖者齊

|金定 匹庫全書 准王或表諫以為高祖之於聖躬親實猶子陛 元魏孝莊昧於禮故敢稱高祖為伯考其臣臨 廟祀子夫自家天下以來宗藩入繼者多矣惟 也祖訓凡親王若天子之姓則稱伯父皇帝 廟曰祖考廟遠廟為桃有二桃此天子之七廟 下叔父皇帝陛下為進賀表笺言也而何嘗謂 王立七廟日考廟曰王考廟日皇考廟日顯考 繼大統之君上承大宗之統而可稱伯考於

其言陛下宜别為獻皇帝立廟京師云漢宣帝 帝立寢廟京師序昭移儀如孝元帝益成帝 君立皇考廟禮也又按漢哀帝追尊定陶共皇 別為父史皇孫立皇考廟漢光武別為父南頓 其人之欺妄六也 此事元魏之後中國之君豈復有此事乎而彼 乃敢為是言而謂今禮官為棄禮書背祖訓此 -既纂洪緒豈宜加伯考之名歷觀載籍未有 可大门新飞 Ē

金定四库年→ 前件臣等切惟漢宣帝嗣昭帝後昭帝其祖也得 相又請園毀不修漢光武起於匹庶荡滌天下 考史皇孫然止諡曰悼其廟止是因園為寢有 司奏為人後者為之子故降其父母不得祭魏 邪說紛掌此其妄七也以上文獻通考存證 之定陶王為成帝子以獻皇帝為本生父故來 生父故也今禮官强執陛下為孝宗皇帝子比 立哀帝為子故師丹以為不可者以共王為本

私親故為父立廟獨羣臣侍祠令宜除親廟以 統者安得復顧私親達禮制乎純等謂繼統者 廟不合禮意設不遭王莽推求宗室以陛下繼 為為人後者為之子既事大宗則降其私親親 名為中與實同創革及立親廟張純朱浮亦以 則舊典戴涉等議宜以宣光以下代令親廟於 明於繼統之義者也又謂宣帝以孫後祖不敢 不顧私親益既事大宗則降其私親也純等益 可一有五

金定四度全書。 崇皇博陵置令水奉祠而已晉元帝於恭王以 皇子琅邪王嗣而已宋英宗於濮安懿王以濮 安帝於孝德皇清河嗣王奉 祀而已桓帝於孝 漢祚豈太平入繼之可比而為其臣子議禮 帝於悼考無两考嫌光武取天下於既絕身復 此二帝俱能從之所謂禮者是否自有在也漢 是南頓君立廟於章陵亦獨羣臣侍祠而已宣 國公主祀而已安等諸帝雖不可比宣帝光武

哉為子為本生父之說臣等已詳於前無復 欲别立廟 反導皇上於哀帝桓靈之間獨何心 所考見是欲爭附褒等而妄尊奉乎往代以該 有共皇帝稱又有序昭穆儀如孝元帝之說何 曹不 馬冷褒段猶等之作 俑也而彼引此文 今日也彼嘗奏乞今日此父其父以法堯舜而 桓帝有烈廟靈帝有與廟萬世下有議及此未 猶為不盡棄禮惟是定陶共皇立廟京師以後 用

事非所倫也程願嘗言神道不遠人情獻皇帝 其親且尊皆如皇上之於獻皇帝皇上之孝事 如生存儼然在上設若同期宴會獻皇帝獨專 上視孝宗武宗為君為兄憲宗以上為父為祖 因之孝穆太后之祀援此為例故為有據今日 辯大內之奉慈殿緣周人有祀先此之典漢宋 室以私子養乎皇上兼事二宗誠敬必有所 九廟神靈其享誠敬不專之祀乎是致獻皇

銀定四庫全書

. 官為强執何其怙恩而求勝也此其人之欺妄 則為至孝彼之言則既行矣而又哓哓馬誣禮 帝神主奉迎將至揆諸典禮雖已過情而陛下 皇帝又得謂之孝乎今觀德殿已當落成獻皇 帝於父祖君兄不得為孝且敬也而皇上於獻 宋濮安懿王允讓第十三子初名宗實仁宗未 其言禮官以陛下比宋濮王事體大不相同云 1.11 b 可之前儿美 圭

金丘四库全書 前件臣等查得禮官初議引宋英宗以濮安懿王 親命學士王珪草部立為皇子養之宫中二十 子繼仁宗後而載其當時司馬光等之奏與程 朱熹已曾并定陶王事論其壞禮今禮官牽合 **頥代彭思永之奏以為今日之事與獻王於孝** 有嗣取宗實入宫命曹皇后拊鞠之年方四歲 以比陛下此欺妄八也以上通鑑存證 年與陛下不同况仁宗立濮王子為嗣大儒 本 ハーフラー ハー・ 尊與獻帝為本生皇考恭穆獻皇帝 興國太后 為皇叔父與獻大王與獻王妃為皇叔母與獻 宗為弟於皇上為本生父亦猶濮安懿王之於 為本生聖母章聖皇太后而彼乃又奏此臣等 大王如及奉再議至五議俱不敢違前說乃得 仁宗英宗皇上宜稱孝宗為皇考改稱與獻王 比因彼續有所奏奉議至再多係前說又奉勅 奉勃尊本生父為 與獻帝本生母為 與國太后 河大簡雅議

官謂前代選立旁支或先伴主震器於生前或 實同彼謂陛下未當以宗室子入宫為孝宗所 養育有異於英宗此以跡言之而若異者也禮 切惟陛下之入繼 與宋英宗事其跡若異其義 遂合主宗祧於身後非謂生前為子者可為人 而立之以繼仁宗則英宗遂可不考仁宗母曹 于宫中未曾爵為皇子仁宗既沒曹太后始援 後身後入繼者不為人後也向使英宗未嘗育

全プローを全言

したころできるこう 而實同者也近者建議為人後者日按晉社暖 自繼統非為之後也其說得乎此以其義言之 為嗣其他中道崩殂而無後者皆不及預立而 後大宗明為人後者實宗子已沒而族人立之 以承之耳非此存之稱也子夏曰族人以支子 日夫所謂為人後者有先之名也言其既沒於 繼其統者皆曰吾未嘗親受認而為之子吾 行文簡流張

太后乎仁宗在位义垂老而無子乃預立英宗

金ケヒ屋 宗室皆在京師非如今日分封外服故可擇 宫中乃立嗣耳及仁宗崩而英宗繼統斯應為 預養仁宗嘗告其臣曰宫中養一子其後只立 臣等愚意此義此之禮官所言尤為明白宋朝 非宗子存而立之也以是言之仁宗養英宗於 後之禮也故生前為子者但曰立嗣而身後 繼者始為人後耳彼謂孝宗未嘗命陛下為 因曰非為人後者此正不知為人後之義也

. 貳以待皇嗣之立退居藩服宗實被命為皇子 當時司馬光請建儲疏亦曰大宗無子則小宗 為之後者為之子也願陛下擇宗室賢者攝儲 子天下必歸所立皇子乎亦必歸所生子乎然 將入宫戒其舍人亦曰謹守吾舍上有適嗣吾 則所立皇子亦未可即謂之為人後者明矣故 可謂之為後乎向使仁宗立皇子後或親生有 宗實為嗣者論養育則其同養而不得立者亦 月、一角 流義

金定匹匠全書 為後者真坐不知為人後之義故也今人有生 子曾并定陶王事論古禮之壞者見具語錄答 上既主孝宗武宗之祀而可謂不為之後子朱 後而長子之子持三年喪謂之承重代父為後 歸矣彼乃謂養育與親止為後而身後入繼不 得主祖祭孫死而孫之于亦然故謂之為後皇 也庶子雖叔而不得主父祭長子之子雖好而 三子而其長子死馬者次子三子豈不可為父

於 都不思道理不可如此先時仁宗有記云朕皇 **聚人道是死後為鬼神不可考胡亂呼都不妨** 坐其于來喚所後父為父終不成又喚其父為 有為人後者一日所後之父 與所生之人相對 兄濮安懿王之子猶朕之子此甚分明當時只 父這自是道理不可試坐仁宗於此亦坐濮王 此使英宗過馬終不成都與兩人為父只緣 人濮議之問日歐陽修之說斷不可且如今 可一,一、流流 ŧ

金好四庫全書 廟之爭都是不曾好好讀古禮見得古人意思 孔光以尚書盤與殷之及王爭之不獲當時濮 禮兄弟不得相入為廟乃立定陶王益子行也 定陶王時已壞了葢成帝不立躬中山王以為 并定陷王事論其壞禮則是彼全不識丈義見 為人後為之子其義甚詳已上語錄之所載也 而彼乃謂仁宗立濮王子為嗣大儒朱熹已曾 以此為據足矣亞夫問古禮自何時壞起曰自 **K**+

前件臣等惟彼之所引者遷國載主之禮是謂本 其言陛下宜迎獻皇帝神主至京入別立新廟 謂禮官牽合以比陛下近日進言者所以謂其 得大儒所論壞禮處也而敢靦顏以論大禮而 曾子問存證 為史籍並無遷主之事此欺妄九也以上禮記 天奪之魄而無廉恥者也此其人之欺妄八 云古者遷國載羣廟之主以從禮也今禮官以 河走節頭沒

陵園當立嗣王共祀禮也彼乃比於古者遷國 為重必須受命而親弟當嗣王爵為獻皇帝後 小宗或陛下更有親弟迎使既至陛下以宗社 獻皇帝分封已越數世有繼別之宗有繼禰之 今日以旁支入繼大統為天子者也若如其言 為天子如盤庚遷都及為諸侯而遷國者非謂 無疑陛下自不得而考獻皇帝矣獻皇帝神 在廟有嗣王共祀又將何如前此禮官謂安陸

金定四层全書

其言陛下入繼大統遵高皇帝祖訓不當賴稱 自可見矣此其人之欺妄九也 慈壽皇太后固不得專制干預者也今禮官報 慈壽皇太后懿旨云伏覩祖訓凡皇后只許內 可以入太廟而欲别立新廟祀之其非禮無稽 况立君繼統實遵太祖高皇帝兄終弟及之訓 治宫中諸等婦女宫門外一應事務母得干預 之事謂獻皇帝神主宜迎至京而又知萬萬不 可し行流る

金定四库全書 前件臣等仰惟祖訓此言見内令第四條禮記所 詔 立己遵照祖訓兄終弟及之文告於宗廟請於 壽懿旨其有弗遵祖訓者子臣等伏讀武宗遺 當遵祖訓不當輕稱慈壽皇太后懿旨然則慈 謂聽天下之内治者也而彼引之言陛下入繼 陷慈壽皇太后違祖訓以干預外事此欺妄十 也以上祖訓存證 朕皇考親弟與獻王長子賢明仁孝倫序當

是慈壽之尊祖訓也既而慈壽懿旨云皇帝 此 繼立大事也武宗以告于宗廟八廟之太皇 慈壽皇太后即日遣官迎取來京嗣皇帝位欽 即日遣官迎取與獻王長子來京嗣皇帝位君 疾彌留已遵奉祖訓兄終弟及之文告於宗廟 不當請之而使聞之乎請于慈壽而即日遣迎 太后孝宗皇帝在天之靈實聞之聖母存焉則 一應事務俱符嗣君至日施行欽此然

一致定四庫全書 乎天下太祖高皇帝之天下也法度亦太祖高 皇帝之法度也若無所本不敢創立祖訓謂朝 度者也彼嘗謂武宗皇帝無子又無親弟獻皇 **廷無皇于必兄終弟及此于孫萬世守以為法** 又何嘗有陷之之事乎懿旨豈禮官之與定者 則慈壽何嘗敢違祖訓以干預外事乎而禮官 以及陛下故皇帝皇考皆當追稱之者設使武 在則實為孝宗皇帝親嫡弟倫序當為天子

宗彌留之際獻皇帝無恙先帝遺詔母后懿官 所屬孝宗諸親弟尚有在者先帝之兄弟行者 獻皇帝止生一子不得為人後聖母之意別有 陛下而獻皇帝方命不遣曰是倫序當我乎力 廷臣集議咸以祖訓初無以叔繼廷之文止迎 又或其時有陰姦如彼者而在執政之位倡議 父吾為父後不得去本國卒不受命可不可也 可不可也陛下亦曰吾不知有天下只知有吾 前

母定匹庫全書 得干預焉者欲陛下之不母之也是何心哉陛 歸真主雖皇祖之訓先帝之遗詔固聖母之意 下之心其亦然之否乎或曰彼嘗有正名之説 彼欲絕陛下大宗之恩謂武宗無與馬聖母不 不用詔旨而自謂當立可不可也今日神器必 矣即如其言謂獻皇帝在必為天子武宗為君 也英廟之復辟也孝恭太后懿旨實行中外 又不止數十人陛下果如彼說直以祖訓為辭 而

えこう・シューニ 帝即為天子之父章聖皇太后又享天下之養 實全名正名統實里賢道名分之大法也陛下 實固有實存而名亡者亦有名存而實亡者去 獻皇帝為臣萬世定分將謂以武宗為姪皇帝 兹亦得謂之正名而不可攻乎夫天下有名有 親王伯也叔也兄也伯叔祖父也今日皆臣也 而可乎又如皇上在藩郊臣也今日君也天下 不得考獻皇帝者名也然一日離潛繼統獻皇 阿支簡流汽

第誅夷而能恪遵祖訓虛天位逾月以待陛下 降而陛下入繼天下萬國翕然仰戴亦曰孝宗 是父母之實也子孫萬世克守宗祧陛下之後 駕血屬乏人逆彬伺釁禁閥框攘懿旨內出次 之子昭聖皇太后母儀天下幾四年屬先帝 致是者非由武宗遗詔予孝宗君臨天下十有 即獻皇帝之後是有天下之實也獨不念所以 年深仁厚澤士民思之至今垂涕武宗遺詔

金少四屋人言

老十

へこりえ ハニラ 請并欲奪之不知所以處莊肅太后者又何如 聞者哉祖訓凡風憲官以王小過奏聞離問親 功於皇上不在生育之下尚賴體念先帝付託 俱待嗣君至日施行者此后德在古為難而有 親者斬近有進言者謂彼非風憲官太后又無 之重孝養備至亦僅建父母之名于上而彼 又守家法不襲垂簾故事 此豈人臣之所怨言者哉亦豈陛下之所忍 可文節疏議 一應政務古示羣臣

金ダロ屋と言 其言壽安皇太后不得率天下終三年喪實陛 為三年喪禮也禮官乃定為哭臨一 下終天之恨云禮經嫡孫承重者為祖父母服 此其人之欺妄十也 小過又陛下母非親王比而敢於非謗離問 年壽安皇太后止生獻皇帝獻皇帝止生陛 設使太后憂思不豫雖斬彼萬段恐無益也 今獻皇帝不在陛 下實承重嫡孫當率天 日喪服

然而無愧悟此欺妄十 母 年喪應二十七日期年應十二日然則十三日 两京而不及天下又何制也此等已往之 大之失為天下後世非笑陛下雖欲追悔而 日但以文移行之两京而己夫以日易月二 及前日既誤今日可容再誤邪議禮者皆 失當韶天下喪之禮也以文移而不以韶及 說果何制也壽安既為皇太后矣為天子祖 打した! 也

貴如終孝宗武宗之世皇上繼統之 宫春秋罪其非禮至漢朝乃引公羊母以子貴 始故尊稱之典特隆其喪也彼比陛下於嫡孫 承重然則陛下之所承何處為重而當率天 終三年喪不知其果出於何禮也公羊 故諸侯不再娶於禮無二適魯隐公立仲子之 說當時已自為非義矣壽安皇太后為憲廟 後推原 春秋天

金定四库全書

七十二

前件臣等切惟古者天于一娶十二女嫡庶定矣

重為人後者為所後父母為人後者為所後祖 服子為父母度子為所生母嫡孫為祖父母承 言之可羞形於議禮大抵類此古禮所無者臣 等今無暇於辯矣伏都太祖高皇帝孝慈錄 謟不曰薨而曰不在不在其可為死亡稱乎彼 四年而彼日獻皇帝不在彼知不可曰崩而又 父母承重皆斬衰三年孫為祖父母父母衆子 日崩諸侯曰薨獻皇帝以與王先於正德 すした

能盡彼所言為遵古禮乎為遵御製孝慈錄乎 宗母壽安為陛下祖母而皆尊稱曰后者也陛 陛下所承之重可知己憲廟正后孝貞純皇后 得為三年服予非承重則不得為三年服然則 也孝穆太后壽安太后皆憲廟妃而孝穆為孝 為所生母齊東不杖期壽安皇太后之喪陛 後言亦在孝貞純皇后禮之委曲非臣等所 以嫡孫言則承重在憲廟孝貞純皇后以為

金定四库全書

安之喪前此禮官議服期哭臨一日喪服十 帝於傅太后固若齊於尊矣無乃早其祖乎 **帝後而祖元帝則元后其祖母也尊無二上則** 宗後承正統非但繼父也亦繼母焉哀帝為成 所當合葬於元帝者元后也而傳氏合葬馬哀 欲陛下不祖母於孝貞純皇后矣恐非憲廟之 彼前欲陛下不考孝宗不母昭聖 而此所言义 所役間也故大學士丘濬議漢孝元陵云為大 7 一的流光 7

||蚕定匹庫全音 京而不及天下禮官考之先朝故事或有損益 講劉健等奏先年奏議已定慈懿太后居左令 爾故大學士李東陽燕對錄引治十七年孝肅 后葬不合禮欲為釐正又謂初廟之禮尤所當 大后崩孝宗召内閣臣議陵廟事謂孝莊曆皇 之孝情也文移行兩京以文移之不以詔及兩 日若夫十三日之制實出宸斷乃陛下不能自己 大行太皇太后居右合初裕陵配享英廟且引

てこり・・シー 立正后我朝祖宗以來惟一帝一后今若並科 朕何敢忘但一人之私情爾錢太后乃皇祖冊 乃從朕壞起後來雜亂恐無紀極孝穆太后胺 宗曰二后已非若三后尤為非禮事須師古末 世鄙褻之事不足學宗廟事關係綱常極重豈 可有毫髮僣差太皇太后鞠育朕躬恩澤深層 帝一后唐始有二后宋亦有三后此祔者孝 可文简疏議 里

唐宋故事為證臣等不敢輕議其質漢以前惟

金厂里是是 **岩從在先定議二后並祔人無復有言者而猶** 謂已往之事莫大之失為天下後世非笑追悔 必改合於古禮不有孝宗禹世之見彼於今 缺此孝宗所以為聖人而廟號為孝者也孝宗 孝穆太后於後殿歲時祭享 壽宫前殿儘寬意欲奉太皇太后於此他日奉 生身母止尊稱為皇太后別祀於奉慈殿今 將何如其不請以壽安並祔於憲廟乎彼之 如太廟不敢 E)

LI A Tolland 其言新順部令决宜重改云記日生日父母死 戚馬弗滿者以為前日真誤而今日不可再也 之謂也此具人之欺妄十一也 格聖心堅守以回天聽是則有愧馬爾而非此 執政禮臣於今日事建議者謂其不能積誠以 亦何忍乎彼謂議禮之臣安然而無愧悟何也 不及皆是把持君父之說使我皇上於是有戚 日考她蓋人之生必各稟父母而無二豈可有 河支竹疏議

金万口屋人一 皇帝稱長子夫於恭穆獻皇帝稱長子是矣於 乘之尊乎主稱兩考不知傍注奉 祀果何稱斗 萬古之笑此欺妄十二也 改詔在一言之央片紙之費不改則百世之羞 主傍注子稱自古經傳未聞有此禮也今陛下 孝宗皇帝可更稱嗣子乎長子嗣子之別為二 两考之稱乎雖問閻童子亦羞稱之可加之萬 近者傅聞陛下於孝宗皇帝稱嗣于於恭穆獻

前件臣等聞書曰令出惟行弗惟反易曰與汗其 猷 辰告者也陛下遠體祖宗之心輔導諸臣上 廟達之那國一定而不可易所謂討漢定命逐 傳之為典則天下諸藩宗室閩而遵之羣黎百 體陛下之心於是乎演之為經綸播之為號令 有改也必有悔也改而合禮悔而從義必如是 姓間而遵之九夷八蠻聞而遵之而可改乎其 大號詔者帝王之所以號令天下告諸天地宗 可一前流流

宗者該以為言彼却反言之爾儀禮所謂不 予而彼乃敢昌言新韶决宜重改乃敢擅議 治朝美節又况於天理有未正而人心所未安 臣等惟彼所引禮記父母考妣之云問問童子 後可改也然己犯不慎始之戒反汗易令己非 而得乎天理之正必如是而即乎人心之安而 亦知之兩考之稱其失不細正是臣等重大 非毀詔書益漢制大不敬必誅而無赦者

金定匹匠全世

而 所與知然實經傳未有之禮也彼之此言若似 已哉彼云以嗣子長子傍注奉祀之事非臣等 考獻皇帝為皇叔而後無兩考之嫌今以孝宗 嫌於二父也陛下入繼大統自當以孝宗為皇 為皇考四年矣更以獻皇帝為本生皇考豈得 父母而服斬故於本生降為期是之謂不二斬 斬者正是以小宗繼大宗便當以大宗所後為 非者也言若似禮而不明正統大義亦猶 可に前れ

天地之大義生人之大倫不得而變易者也合 **自外** 兄邪則稱之以伯父於我弟邪則稱之以叔 帝追尊悼考為皇考立寢廟而為之議曰後 养之借周公之禮以自文曹操之借文王之功 以自况爾故大學士丘濬作世史正綱書漢宣 者立兄弟之子以為後為之後者為之子也 既以彼為子則彼必以我為父其所生於 入繼大統為其本生人母立廟始此夫無 世

金定四庫全書

法萬世矣孝宗皇帝勅翰林儒臣為歷代通鑑 大王而使其子孫襲爵奉祀則於大統無嫌 者徃徃引以為據而不以為非善乎伊川程氏 有見於生身之恩不可忘而無見於繼統之義 之失而於所生亦極尊崇之道斯言也可以示 有言撰量事體別立殊稱若曰皇伯叔父某 不可二於倫則紊於禮則失後世自旁支入繼 7

帝

繼孝昭之統而又尊其所生以為皇考是其

多定匹庫全書 宗被召為皇子戒其舍人曰謹守吾舍上有適 祭要書宋仁宗立宗實為皇子而為之註 日英 續書詔稱濮王為親立園廟又注程子頤曰言 之大計可定矣此注益詳定官李東陽等筆 後者無太早之嫌為後者無遅留之釁而天下 大宗之禮為後之義猶有存者此義若明則立 嗣吾歸矣此固其謙讓避禍之心亦可見古者 事之臣知稱親之非而不明尊崇之禮使濮王

當時未有今日事也其論議引注已如此使先 書在成化十七年李東陽等進書在正德二年 朝老成尚存為陛下議今日事亦不過如此陛 言於陛下咸斥其非遂乃攘臂而起力訴執政 王極尊崇之道於仁宗無嫌二之失矣丘濟成 與諸父等若尊稱為皇伯父濮國大王則在濮 禮官為欺妄向使丘濟李東陽等柄用如成 下亦豈忍深罪之乎而彼因在廷諸臣議禮進

片紙之費禮齒君之路馬者有誅而彼欲更易 古之笑者有在矣此其人之欺妄十二也 誤用彼言重改詔書則彼之所謂百世之羞萬 而不以聽而彼敢非毀己頌之詔此在廷諸臣 已成之禮奇衰感聚而不聽懸法象魏者必殺 矣而擬更於三年之後大詔已頌矣而直斥為 弘治時其敢肆其醜武指為朋黨子大禮已成 以不得不合辭而訴於我皇上也陛下若再

金定四庫全書

陳吏部覆令致仕雖大臣多衛究而去無敢 附之九卿科道附之初不顧事體之大禮義之 者回報即令科道黨與指事劾之内閣批令自 紙列書九卿官衛著吏送與畫一知字有不畫 同哉如九卿黨首自草一疏不令衆見止以空 非者也九卿六科十三道官連名之疏豈議論 子之說者其始變於姦權大臣一人 而己禮官 其言今日議禮朋黨之故云以陛下為孝宗之 何文簡点樣

(こう・1 こす

人工友口屋 前件臣等嘗讀宋歐陽修朋黨論曰君子以同道 為朋小人以同利為朋故為人君但當退小 者盡知今在廷助臣議者不為不多瞻前顧後 六人為一 但頷首稱是而已此欺妄十三也 言至於科道連章則亦猶然者掌事一人執筆 1. Triping 偽朋用君子之真朋則天下治矣堯之時 共工雕党等四人為 朋堯退四山小人之朋而進元凱君 朋君子八元八凱十 餘

之勢而厳其耳目者必進朋黨之說奪國而與 也又嘗讀歐陽修五代史傳論曰小人欲空人 用之天下亦大治益堯舜能用君子之真朋故 子之朋天下大治舜為天子而皐陶稷契二十 一者必進朋黨之說去其君子者惟以朋黨罪 人並列於朝更相稱善推讓為一朋而舜皆 則無免者矣善人日遠小人日進則為人主 國而去其君子者必進朋黨之說欲孤人主 可大商人義 孟

者誰與之圖治安之計 疏於此終篇乃有今日議禮朋黨之故之說皇 之也朋黨之說傅所謂一 必有所忌而不敢為惟空國而無君子然後小 奪國而與人者由其國無君子由以朋黨而去 上憲天聰明豈弗鑒哉項歲皇上奉遺部入 統施行之見於代言者雖不能一 得肆志而無所不為則漢魏唐梁之際是也 言喪邦者也而彼之 君子在奉小人雖衆 致具詳

在少正屋全

指者入繼之君之為人後則其公議不敢變也 議大禮辯論之出於富事者雖不能一 然天下聞之皆知其大體是也禮官奉動旨會 詳然天下聞之皆知其大體是也彼以為非是 禮 日 迎 之小人乃持將順之説者也將順之説便於逢 官附之九卿科道附之跟口同解亦是附 議禮之事是也彼謂權姦大臣一 匡拂之言易於沮忤公議未有能遽合者今 何文簡疏議 人必有所

たこうえ こう

耋

託 於當時史冊終不能不責其備於後世而彼又 而 公議莫克自伸者有之士林雖能該其不得己 公議非附其人也禮官近承陛下孝情所迫而 難其人也權姦非盛世之所宜有非大臣之 將 彼敢以閣弱言之其狂悖無人臣禮已甚無 怒於陛下矣陛下英顏天縱遠過周成漢昭 敢當也彼前此當言强臣乘君閣弱之漸 順以迎合激怒其間臣等益懼受其任者

金分四月全書

所見無處百十章劄皆以尊正統重大宗為 議九卿六科十三道及諸部署南北兩京各陳 附即尺牘恣意讒説以動聖聰而師輔之罷省 矣何謂跋扈即如彼二三竒哀昔者遠在千里 卿之去如棄散發臣强君弱頗有是乎大禮之 之太過故宋韓琦有曰一小黄門至即可縛臣 相事權視古為最輕而老臣之事少主只恐恭

惟乎有權好之言也我祖宗分任大臣不設丞

久二日三 二十

阿文簡疏談

套

金分四周分言 章亦然掌事一人執筆餘者盡知及謂在廷助 道等官面議當時有何人不見疏草何人議論 謪 不同則黨首與掌事者之議自可破矣又合庫 彼議者不為不多瞻前顧後但頷首稱是此等 本又謂九卿黨首自草一 列書官街者吏人送與畫一知字科道官連 心理義不約自同而彼乃因近各衙門有會 部最為易見陛下試於御殿門時令九 卷十 疏不令眾見止以空 卿

更是日 二八丁二 我太祖高皇帝法周官之制建立六部以吏部 其奸而復以惑陛下以傾君子實歐陽修之罪 以議大禮而不能鑒歐陽修朋黨之說以自照 黨與劾之批今自陳覆令致仕雖大臣多銜宽 臣願從禮官議者班於左從彼議者班於右則 而去不知謂誰彼徒掇拾歐陽修濮議之緒餘 助議之多寡自可見矣至謂不盡知者令科道 也九卿黨首彼之所指又必有在臣等伏都 何文簡疏議 Z

考始生似具及其义也苗不能勝矣讒入始言 故善治田者必去稂莠善治國者必去讒邪稂 吏部得以薦之以陟其明凡糾結瑣碎稱為小 為私意又曰讒人之能害國猶稂莠之能害苗 尚書為百官之長故凡德業聞望稱為君子者 日聚人惡之一人悦之未及正也聚人悦之 人惡之未必邪也出於农人為公論出於一 人者吏部得以罷之以點其幽故當時聖論有

和 李德裕等出避牛僧孺必如宋黨禍禁司馬光 道而曰黨與是何無禮不根之甚矣充是心也 貝錦何所不至於九卿而曰黨首於六科十三 謂小人之偽朋也此正我太祖所謂稂莠讒邪 必如漢之黨禍使諸賢禁錮心如唐之黨禍使 而私好私恶者也又且巧騰萋菲之誇而蒼蠅 似忠及其父也正人不能勝矣彼二三輩為朋 同利干進者又從而附和之此正歐陽修所

文之四年人丁一

何文簡敬該

邪說之害正甚於洪水猛歐之灾條於夷秋篡 草誤其禍疾而小註六經誤其禍遲而大叉云 等而進王安石行新法以亂天下昔人云註本 弑之禍彼之謂也此其人之欺妄十三也伏堂 回話疏 間而億萬載靈長之休可保矣嘉靖三年七月 聖明加察治其欺妄之罪庶九廟常安兩宫無 十三日

次定四車 全等一 是非且不查究張聰等奏十三條本未經發出如何先 宗廟罔有問越尊稱大禮出自朕心何孟春等既居大 事奉聖古已有動古了但朕奉天明命嗣承大統祇奉 抄出該臣等題為辨小人斥讒說以全大禮以保治道 命照惶罔知攸措切照南京刑部主事張聰桂萼行取 知論奏便者回將話來該衙門知道欽此欽遵臣等聞 臣各司所職却乃恣意奏擾訾毀君上害正妄為辨亂 奏為乞思認罪回話事嘉靖三年七月十六日於吏科 阿文節旅

到京之時先次奏為昭聖斷息妄議以成大禮事本 定者是也而彼後次又奏為條陳證據典籍乞昭聖斷 天下臣民成己知悉必不肯輕信其說報有改移但其 投通政使司即以私稿所係七事傳示於人以烃其邪 以成大禮事本未投通政使司又即以私稿所條十 奏章宿留尚在依違與論噂怂而未平羣情惶惑而靡 天授自能洞察其非且鴻號人定天地祖宗實皆鑒臨 得行也而其本留中不出故前此言官稱皇上聰 佞

一次とり単言す一人 政使司查得張璁等二次所奏副本見在臣等委的不 聞彼之奏章委的宿留見彼之欺妄委的得行各於通 事傳示於人以炮其欺妄之得行也而其本亦留中不 正孰邪孰為君子小人孰為忠鯁孰為逢迎有以赦臣 左順門實親見之自念恭從大臣之後與議大禮之末 出本月十二日該禮部官欽奉勒諭一道臣等被召在 念彼之 欺妄發其狂愚要與辨論逆同連名 具本開坐 聞臣等冒續天威罪當萬死伏望里明加察分別熟 何大筋疏議

等之無他仍從所請并將一 間伏候動旨嘉晴三年七月十六日 著回将話來談衙門知道事理為此具本親齊謹具奏 欽依張璁等奏十三條本未經發出如何先知論奏便 垂矜宥庶朝綱不壞國體無虧衆心獲安公議可息天 奏為乞思認罪回話事嘉靖三年七月十八日於吏科 慶幸臣等不勝幸甚緣係乞思認罪回話及節該奉 認罪疏 時愚直見被掌監之臣溥

王時中臣張潤通政臣張瓚臣陳霑恭議臣陳經臣葛 臣等再被天威益增水懼所有奏辯張璁等原奏條 是何人倡率若從實回將話來該衙門知道欽此欽遵 有動諭何孟春等不以君命為重軟行奏擾及今回 抄出該臣等奏前事奉聖古尊崇大禮出自朕心已降 . てきロニー へこう 俞琳侍郎臣王承裕臣鄭岳臣劉玉臣陳雅都御史臣 臣何孟春與尚書臣泰金臣金獻民臣趙鑑臣趙璜臣 不輸情服罪好生玩法不語大體且不完治還查的 阿艾簡頭 該 話

臣等不勝惶陳之至緣係乞恩認罪回話及節該奉欽 懷窺豹之忱各積輸涓之願心惟 事理為此具本親齊謹具奏聞伏候動旨嘉晴三年七 依還查的是何人倡率著從實回將話來該衙門知道 臣等之姓名以為先後回話自應從實垂憐惟在推 檜少卿臣張縉臣徐文華寺丞臣袁宗儒臣毛伯温均 口實 詞初不容於倡率而衙門之次序非可那移 Ð 理豈甘陷於狂愚 故

· '... 處臣誠惶誠恐除北向拜恩外竊念臣性資愚聽言行 之澤無才猶錄以備員居三品悉兩京者八年佐六卿 加修省臣與聞聖訓思體上心敢不圖竭涓忱用裨淵 壽官火災仰惟皇上祇承天戒親降德音布告臣鄰同 狂 疎 荷乾坤覆載之仁有罪不加於至 死叨雨 露霑濡 奏為奉勃修省自劾不職乞退休以消變異事遇者仁 街者四任若不更求閉退何由消彌災祥且將益 自劾免任疏 何文簡疏談

詔歸俾脱節克全乎 **積惩尤重致淪胥譴謫如蒙伏望皇上** 经牙口 从俟命之至緣係 たノニー 疏議卷十 幕龄庶共工無曠於風世臣無任 修省并乞退休事理為此具本 具奏聞嘉靖四年五月 順 Ð